



Sanavalliajuk kamagijautsiatumik ammalu sangijumik

Kangatuinnak tuavittuk ilagiattaugiallagunnangituk atugunnagiamut utjitotimmik ilinnut sanajauppat

Una tuavittuk ilagiattaugiallagunnangituk atugunnagiamut utjitotimmik sakKititsivuk malittaugiaKajunut inummut tigumiagiamut upvalu atugunnagiamut Kukiutimmik upvalu asigiallanik piKutinik akunetigumik 30 ullunik. Tamanna ikajugajattuk sakKititsitailigiamut taikkununga atuttaugunnagiamut kinagiallamut atugunnangitumut tigumiagunnalugani Kukiutinnik upvalu ilinganiKagiallajunut piKutinik. Kinatuinnak ottugasok tâpsuminga utjitotimmik Kaujisapvigillugit nunalimmi itluatsaivimmut.

Una tuavittuk ilagiattaugiallagunnangituk atugunnagiamut utjitotik sanajauppat ilinnut, tainna itluatsaijik kajusiutiliulangavuk Kanuittunik malittaugiaKagajattunut taipsumaniuniattumi. Ottotigillugu, tainna itluatsaijik piulimatsiKujigajattuk ilinnik ânnenattunik asianut iniujumut upvalu piulimallugit Kanugiallakiak atjigingitamminik.

Taikkuninga maligunnaguvit upvalu kamatsianitsaugiamut isumâlotigijauppat, tainna itluatsaijik utjituliugajattuk ânninattotigijatit tigujaullaugajattut upvalu pejaullutik polesikkunut akunetigumik 30 ullunik. Tainna utjitotik pijagesimalippat, taikkua malittaugialet atuniKalugunnaitut. SakKuiguvit Kukiutinnik upvalu ânninattojunut upvalu pejausimappata polesikkunut, utittitaulangajuk tapvainak.

Malitsiaguvit utjitotet malittaugiaKajunut ammalu siKumitsingikuvit maligatsanik, sananialungitut maligatsatigut siKumitsisimannimik allaKutinnik.

OttugagajakKutit itluatsaivimmuk nukKatitsigiamut utjitotimmik ippiniaguvit atungikaluappat. Tainna itluatsaijik nukKatitsipat utjitotimmik, taikkua malittaugialet atuniKaniagunnaitut. SakKuiguvit ânninattotigijannik upvalu pejausimappata, utittitaulangajut tapvainak.

Utjitotet akunenitsamit 30 ullunik

Tainna itluatsaivik âkKisuigajattut tusattaugiamut ullusanganik ilinganiattumut akunenitsak ilagiattaugiallagunnangitunut atugunnagiamut utjitotimmik:

- Tainna tuavittuk utjitotet malittaugiaKajunut suli ininganevuk tusattausinnanganut ilinganiattumut akuniunitsak utjitotik pijagettausinnanganut
- tunitsigajakKutit upvalu tunitsigunnagajangilatut akunenitsamut utjitotimmuk tusattauniattumut

Tainna itluatsaijik nukKatitsipat tuavittumik ilagiattaugiallangitumut atugunnagiamut utjitotimmik sivungagut tusattauKâgani ilinganiattumut akunenitsak utjitotik pijagesinnapat, nukKatitsiniattut tusattaugiaKajumut. Sunatuinnak malittaugialet atuniKaniagunnailutik, ammalu sakKuisimaguvit

Kukiutinnik upvalu ânninattojunut upvalu pejausimappat, utittitaulangajut tapvainak.

Tainna itluatsaijik sanappat akunenitsak ilagiattaugi allagunnangitunut atugunnagiamut utjitotimmik, âkKisuilangajut nutânik malittaugiaKajunut maligiaKajannik. Tainna itluatsaijik sanangipat akunenitsak utjitotitsamik tusattausimaligeppat, ipvit tuavittumik utjitotet suli tamânelangavut nâjinnininganut.

Kaujigatsatâgi allagiamut ilinganiKajunut KaujimajaugiaKajunut maligatsanik ammalu taikkuninga paigijaugutinnut, Kaujisapvigillugit ipvit nunalet itluatsaivinganik. Ilisapvigigi allalugu pitjutigillugu “KaujimajaugiaKajunut” maligatsanik ammalu Kanuk ikajugajakKomangâmmik sakKititsitailigiamut Kukiutinnik pilukaigiamut:
<https://www.canada.ca/red-flag-laws> (<https://canada.ca/lois-drapeaux-rouges>).

Tânnâ Kaujigatsak sulijuk tunijaumajuk allatausimatluni (insert language being translated).

Tânnâ nenittausimajut atuinnaumijut Kagitaujatigut asigiallanik
uKausituKagijaujunut omani
<https://www.publicsafety.gc.ca/cnt/rsrscs/pblctns/rd-flg-elao/index-en.aspx>
(<https://www.securitepublique.gc.ca/cnt/rsrscs/pblctns/rd-flg-elao/index-fr.aspx>)

(insert month and year) Cat. No. PS4-334/4-2025Iku-PDF

ISBN 978-0-660-98374-5